

度

支

奏

議

度支奏議目錄

新餉司七卷

題覆椒寧蘇三府開復疏

題考覈山海餉司差滿疏

題覆南京蘆課充餉疏

題覆袁督師請餉買馬疏

題加派預徵三分疏

本部預計三年分召買疏

題議關寧餉道疏

覆津撫報運薊料草疏

度支奏議卷之七

太子少保戶部尚書淄青畢自嚴視草

覆徵寧蘇三府開復疏

題爲因變陳言謹將天下財賦合盤打算以酌出入之平以濟中外之急專專理新餉山東清吏司案呈崇禎二年八月二十七日奉本部送戶科抄出直隸徽州府知府洪胤衡奏前事等因本年八月二十二日奉

聖旨戶部知道欽此又該寧國府知府黃夢松奏爲

奉

旨叅奏事等因本年八月二十八日奉

聖旨戶部知道欽此又該蘇州府署印推官王瑞植  
奏爲遵

旨回奏事等因本年九月十九日奉

聖旨該部知道欽此欽遵通抄到部送司查得徽寧  
蘇三府先因雜項未經回

奏該戶科題奉

欽依着令降俸回

奏今既回

奏前來相應准其開復等因案呈到部該臣等看  
得臣部遼餉入額除田賦加派而外惟資雜項  
向因有司解額空懸科臣汪始亨蒿目時艱具  
疏題催奉有布政司自奏回話之

旨煌煌

天語炳如星日不意回

奏者仍復寥寥繼而廣西布政鄭茂華具疏回  
奏復奉有廣西遠在南服鄭茂華回奏已到近省

布政司如何多未遵奉該科叅看來說之

旨隨該戶科查得先廣西而回

奏者山西布政唐嗣美也投有自奏回話一揭者  
鳳陽巡撫李待問也此外俱不見有回

奏題將各省布政併兩直知府凡係未經回

奏俱行住俸近者限以四月內稍遠者限以五月  
內極遠者限以六月內回

奏嗣後河南布政張夢鯨山東布政沈珣順德府  
知府金之俊保定府知府方一藻廣平府知府

劉弘宇大名府知府盧象昇河間府知府王逢  
元廣東布政陸問禮真定府知府侯應琛福建  
布政吳國仕永平府知府張鳳奇江西布政陳  
龍光陝西布政張國瑞順天府署印府丞魏光  
緒揚州府知府徐伯徵安慶府知府壽雲鴻太  
平府署印推官張居淮安府知府董允升鳳陽  
府署印推官王良臣鎮江府知府陸懷玉廣德  
州知州陳善學和州知州孫克明徐州知州韓  
雲池州府知府顧元鏡滁州知州呂新周俱經



續文彙編  
陸績回

奏除江西布政陳龍光奉

旨議處其餘各官已經戶科先後題明准其開復臣  
部行文吏部併各該撫按知會開復外今據徽  
寧二府併蘇州府亦已先後奏到所有原降之  
俸相應照例開復恭候

命下臣部行文吏部併各該撫按遵照施行

崇禎二年十月初一日具

題本月初四日奉

聖旨是欽此

題考覈山海餉司差滿疏

題爲考覈司屬官員事專理新餉山東清吏司案  
呈奉本部送據專理新餉駐劄撫寧移駐山海  
戶部山東清吏司署郎中事主事閻顧行呈前  
事內稱本司奉差理餉山海遵於崇禎元年九  
月二十七日到任管事所有任內收放錢糧已  
經逐月攢造簡明細冊呈報各衙門抄傳通  
國及季終登報循環各營領糧道鎮掛號冊領卷  
宗彙解本部大堂查考外今當

奏繳例應聽候本部考覈合將任內經手收放錢糧總數及樽節放剩各項銀兩備開四柱呈報總計舊管崇禎元年九月二十七日到任起至二年八月二十三日交代止收過前任王餉司交代貯庫銀併京運糧草召買米豆草價及本司清查還官節省羨餘等銀通共一百一十萬三千六百五十三兩一錢七分六釐六毫五絲九忽內一收前任王餉司交代存庫銀二萬八千六百七十二兩八分八釐四毫九絲四忽一

收前任王餉司另貯節省公費還官銀三千二  
百三十六兩一錢四分一收前任王餉司另貯  
七月放剩羨餘銀二十一兩三錢一收奉部劄  
取原貯海運廳題留節省草豆價抵餉銀三萬  
六千六百三十七兩六錢一收京運糧草銀八  
十九萬五千四十四兩一錢八分八釐五毫一  
收本司自崇禎元年接放八月錢糧起至二年  
六月止放剩羨餘銀一百四十九兩三錢一收  
永平府襍項銀九千四百三十三兩五錢九分

二釐六毫六絲五忽一收部發召買米豆草價  
銀一十三萬一百七十七兩五錢六分七釐一  
收本司節省公費銀一百七十兩一收本司節  
省衙役工食銀一百一十一兩四錢開除崇禎  
元年九月二十七日到任接放八月分錢糧起  
至二年六月分止放過督師道鎮掛號過冊領  
五百一宗官兵馬匹糧草船稅公費工食併發  
過府廳州縣召買米豆草價銀通共一百七萬  
二千五百三兩七錢六釐六毫二絲五忽內一

放過各營月餉馬乾船稅等銀九十四萬二千  
三百一十六兩一錢三分九釐六毫二絲五忽  
一發永平府召買元年冬春馬匹草價銀五萬  
兩一發海運廳召買元年冬春馬匹草價銀一  
萬四千四百七十二兩五錢六分七釐一發海  
運廳召買二年分米價銀二萬兩一發海運廳  
召買二年分豆價銀一萬九千七百五兩一發  
灤州樂亭昌黎三州縣召買二年分豆價銀二  
萬六千兩實在崇禎二年八月二十三日交代

正銀三萬一千一百四十九兩四錢七分三絲  
四忽內一收存庫銀三萬八百五十一兩五錢  
七分三絲四忽一另貯本司放剩六月分羨餘  
銀一十六兩五錢一另貯本司節省公費銀一  
百七十兩一另貯本司節省衙役工食銀一百  
一十一兩四錢崇禎元年九月二十七日到任  
接放八月分錢糧起至二年八月二十三日交  
代止一批發過米二十二萬八千四十四石一  
斗七升一勺海運豆四萬三千三百一十五石



八斗陸運豆三萬五千二百七十九石九斗七  
升陸運草一百零六萬六千六百三十四束以  
上本折錢糧總數俱備造青冊見在交我訖內  
本司逐月放出羨餘清查出還官節省公費工  
食兵餉扣出小盡併樽省馬乾等項通共銀四  
萬一百七十七兩九錢九分二釐九毫九絲五  
忽一本司崇禎元年接放八月分錢糧起至二  
年六月止放出羨餘銀一百四十九兩三錢一  
本司節省公費銀一百七十兩一本司節省衙

後工食銀一百一十一兩四錢一本司清查  
附餘銀三千二百二十二兩七分九毫四絲五  
忽一本司樽省出二年正二三月馬乾銀一萬  
七千六十四兩一本司清查出還官併節省及  
扣出小盡通共銀一萬九千四百六十一兩二  
錢二分二釐五絲內給過各衙門正月至八月  
截放止廩費工食銀一萬六千五百二十五兩  
九錢餘銀二千九百三十五兩三錢二分二釐  
五絲相應另貯仍聽給各衙門公費工食之用

以上數項雖係零星俱本司任內經手茲當差竣且時方清覈合應條列以報然本司於此猶不能無說焉案查前任王餉司節省銀兩多本司不啻二三倍非本司節省之心敢後於前任也祇以王餉司任內有內鎮行邊比時馬數最多部發草豆之價亦與之俱多無何內鎮撤馬隨之去所以剩價不貲盡作節省耳今自督師經制定而馬有成數矣數俱折乾矣缺馬乾銀悉扣爲買馬之需矣錙銖皆係實支分毫不得

存留雖欲節省亦窮於無計可施矣等因又奉  
本部送准出鎮行邊督師尚書表崇煥咨前事  
內稱據山海餉司署郎中事主事閻顧行呈稱  
案照本司奉差理餉山海遵於崇禎元年九月  
二十七日到任管事所有任內收放錢糧已經  
逐月攢造簡明細冊呈報各衙門抄傳通

國及季終登報循環各營領糧道鎮掛號冊領卷  
宗彙解本部大堂查考外今當

奏繳例應聽候本部院考覈今將任內經手收放

錢糧總數及樽節放剩各項銀兩備開四柱呈報除報各衙門外擬合呈請咨部查考等因據此該本部院將四柱對明外看得滿差郎中間顧行意致沉雄而樸誠可掬其收放分明廢以率下當餉缺鼓譟百孔千瘡本官一到卽井如至今俱按月不壓卽本部院之清汰兵餉何一非其苦心今任滿以行人思借寇其廢惠可嘉相應優異以勸將來等因又准總督薊遼部院劉咨同前事內開差滿郎中閻顧行持籌運

萬縷心思操守皎一潭秋月當此輓輸不繼之時而能多方樽節使儲有贏餘士稱宿飽年來關門無庚癸之呼者本官之力也合應紀錄以爲司餉之勸等因又准督理遼餉天津部院崔爾進咨同前事內開關門當兵馬雲集本折軍儲最爲浩繁必得才品雙高綽有擔當釐奸剔弊加意樽節之司屬乃克奏安攘之績今署郎中事主事閻願行以正直忠貞之品格砥清蕪端恪之操脩盤錯當前四應如神而宗嚴節省

殫精竭力足食足兵以襄恢復經世鴻猷海內  
具瞻其收放折色共以二百一十七萬六千一  
百有奇計其查發過糧料共以三十萬六千餘  
計草束共以一百零六萬六千餘計皆條分縷  
析錙銖不爽當此三空四盡之時本官猶能多  
方調劑竭力節省銀四萬一百七十七兩九錢  
零誠司計之偉烈而濟時之卓品也茲當差竣  
回部正宜論功課績之時擬合咨叙煩爲查照  
考覈紀錄蚤從優叙等因各到部通送到司案

呈到部該臣等看得理餉一差管百萬金錢之  
出入責甚重矣矧以山海衝要之地值餽儲屢  
乏之時如昨歲士卒憑陵人人色變廼郎中闕  
顧行一聞差命叱馭而前調劑有方便三軍帖  
然飽騰奏效及查冊案收放不爽錙銖節省數  
逾四萬其勞績誠有不可氓者今當一年差竣  
例應考覈考得本官以博大沉雄之器肩茲鉅  
務冰心自矢弊竇咸釐故月餉已有定額而節  
省尚得鉅萬元屬稱職所當准其回部管事仍



咨吏部從優紀錄者也既各咨叙前來相應題  
請恭候

命下准將郎中閻顧行回部管事容臣部移咨吏部  
從優紀錄施行

崇禎二年十月初一日具

題本月初四日奉

聖旨閻顧行准回部管事着吏部紀錄優擢欽此

題覆南京釐課充餉疏

題爲留工空匱已極那借萬分難支外解任催不  
應懇求

聖明洞鑒亟賜查核處分事專理新餉山東清吏司  
案呈崇禎二年八月二十五日奉本部送戶科  
抄出南京工部尚書杜士全等題前事等因本  
年八月二十一日奉

聖旨各部額派錢糧南北自有定額向因陵工軍  
餉權宜措借此後酌量商確以見共濟江西等省

班匠皮張等銀拖欠數多着嚴行催解勒限回  
其北部催欠關稅蘆課應否蠲免併留都修城撥  
役解料就便各與酌議覆行該部知道欽此欽遵  
抄出到部送司除班匠皮張關稅修城等項事  
隸工部聽該部議覆外蘆課一款相應摘覆案  
呈到部該臣等看得遼餉各項內有蘆課一款  
案查天啓元年閏二月內該臣部原任尚書李  
汝華等題爲欽奉

明旨廢棄廷臣會議遼餉等事內開一長江上下蘆

洲行撫按委官踏勘丈量編造魚鱗文冊酌定  
輕重徵租除足

會典南工部原額二萬五千五百六十餘兩外其  
餘盡解濟遼給事中熊德陽御史董元儒倪應  
眷傅宗龍皆言可行通政使王舜鼎又言蘆課  
原額

會典開載未盡聞有續增二萬餘兩工部正項支  
用不過一二萬金餘剩尚多自宜解部充餉中  
間勢豪隱占積滑侵欺非設法清查不可等因

覆奉

欽依通行去後隨據督理蘆政主事潘守政報稱道  
丈過三十九州縣衛總計洲地三百八萬八千  
六百九十五畝零基地一千四百二十二畝零  
實徵蘆課籽粒銀共六萬三千八百四十三兩  
零比舊增出五千四百二兩三錢零除每年進  
內新增籽粒銀九千三百六兩四錢九分又除足  
會典南工部原額二萬五千五百六十餘兩外尚  
餘二萬八千九百七十餘兩當用充餉自二年

爲始等因在案查自天啓二年起至七年止除  
六七兩年分改解助工外二三四五年分共該  
一十一萬五千八百八十兩內查得四年分解  
過一萬二千兩五年分解過二萬六千兩本年  
四月內解過二萬兩尚欠五萬七千八百八十  
兩崇禎元二兩年又該銀五萬七千九百四十  
兩有奇此照潘主事原報以爲額非懸坐也在  
會典南工部原額二萬五千五百六十餘兩之外  
非取彼以與此也今該部尚書杜士全以留工

空匱諄諄疏

請如所稱備省直之遺欠南部者以接濟臣部  
望極何敢作米必然之想而謹屬同舟亦不敢  
過爲膠柱合無准免二五四五年應補解之五  
萬七千人百八十兩始從崇禎元年算起仍照  
藩主事清丈以後額定之二萬八千九百七十  
餘兩足解臣部以濟遼餉之用此項銀兩業已  
算在遼餉入額之內今後萬不可減分毫而連  
時日矣既經具題前來相應覆

請恭候

命下臣部移文南京工部遵奉施行

崇禎二年十月初六日具

題本月初九日奉

聖旨是欽此



題覆袁督師請餉買馬疏

題爲馬匹不敷分行兌買仰懇

聖裁事專理新餉山東清吏司案呈崇禎二年九月  
二十七日奉本部送准督師尚書袁崇煥揭帖  
前事內云買馬五千七百匹每匹給二十兩共  
該馬價一十一萬四千兩往時買馬俱兵部出  
其價但兵部止此問寺問寺止在馬價歲人不  
多今又爲挿曾撫賞何能爲職買馬無已則仰  
給於戶部新餉固知新餉方在清楚安得贏餘

然往歲之溢額百萬戶部猶多方應之今無  
額之待給戶部遂爲贏餘矣則此十一萬必不  
爲靳或一時難於出辦則半見給半稍遲以成  
此事伏乞

勅下該部作速議覆勿有推托以耽時日等因十月  
初一日隨接邸報奉

聖旨東兵需馬甚急中外文武各官當協力濟事這  
所請各鎮帥分行收買或兌給見馬務臚壯堪用  
各督撫還催驗速發馬價卽行措給方可不悞該

部便看議具奏欽此又於本月初二日接督師尚書袁崇煥咨前事內稱戰馬急需一時市買難全本部院議派各鎮分買山西六百匹宜府三百匹大同六百匹延綏九百匹固原九百匹臨洮九百匹寧夏九百匹甘肅六百匹每匹價銀二十兩共該馬價一十一萬四千兩分爲三運買解已經具題動支新餉銀分發外相應委中權中營叅將劉定邦赴貴部領銀前去分發各鎮聽彼處撫道鎮查收委官收買堪戰馬匹督

解前來驗發騎征外爲此合咨貴部堂煩爲查  
照速發馬價施行等因到部通送司到部案呈到  
部該臣等看得買馬非臣部職掌而新餉未有  
贏餘督師已爲臣部言之矣臣無容言惟是徃  
歲溢額百萬臣部猶多方應之之說恐未可爲  
今日律也徃歲

內帑有餘動輒希不可繼之思而今非其時矣徃  
歲額中之數雖缺而額外之入如逆貲變產及  
改折搜括等項無一不以益遼而今亦非其時

矣往歲帶徵舊錢糧解運不絕如天啓七年尚  
有解萬曆四十七八等年新餉者積細成鉅爲  
用頗多今天啓五年以前悉蒙

聖恩蠲免而帶徵有限矣臣部卽款多方應何能爲  
無米炊也臣等反覆思維竊見

皇上旰食宵衣無刻不封疆是念督臣屬兵練馬亦  
無事不恢復是圖買馬急需差官守候臣部何  
敢以一日之匱乏稽五年之成算也合無俟外  
解到日先於月餉內那發原數一半給督師差

官劉定邦先行分買餘俟陸續我給以竣此後  
第恐外解不前未能咄嗟辦此耳臣非敢姑息  
之而復吝之也蓋遼餉入額止有此數臣部轉  
輸亦止有此數夏秋以來仗

聖天子之威靈省直諸臣呼吸應手臣部隨到隨發  
不敢纖毫停留庶幾按月接濟自入九月外解  
零稀方憂中斷而皮襖之

請繼至皮襖甫派二萬而馬價之

請又至別項那去二分則月餉定難一分別項先

支一日則月餉定遲一日譬之窶人家素以浪費  
朝不謀夕突焉節省稍贍饗飡而復爲鮮衣怒  
馬之謀又至日中而晨炊不舉矣此固時勢必  
然事理昭然非臣部故作艱危語也伏乞

勅下遵守施行

崇禎二年十月十一日具

題本月十日奉

聖旨馬價那給具見急公協助依議先後措給務期  
濟用欽此

題加派預徵之三分疏

題爲遼事撻伐方殷冬春餉運易斷敬申明預徵  
舊例以裕接濟事專理新餉山東清吏司案呈  
爲照冬春之交遼餉易斷每年接濟全賴預徵  
銀兩崇禎三年加派應於此時照例題

請預徵等因案呈到部該臣等看得京邊錢糧省直  
各因風土所宜以爲開徵蚤暮於是有見徵者  
有歷徵者惟加派遼餉每於今歲之冬預徵來  
歲之額期無愆也預徵則題定十分之三數至



礎也節奉

欽依守爲成例况至今日舊逋蠲而帶徵不多經制  
定而按月取足春正窘迫之狀實難支持誠有  
不得不蚤爲計者合無照依往例將崇禎三年  
加派地畝銀兩預徵十分之三俱以文到之日  
爲始徵解接濟案查舊歲臣部具覆督餉御史  
錢士貴疏款有云各省直以加派全額拆爲十  
分以十分拆爲十限每月務解十分之一至十  
月而全額可完誠不緩不急上下兩便之道也

題奉

明旨申飭遵行在案無奈臣部言之諄諄在外聽之  
藐藐如崇禎二年加派銀兩屆今十月杪矣合  
省直尚共欠九十餘萬倘能依限完解何至積  
逋至此目下新庫雙扇外解中斷萬一變起脫  
巾咎將安諉夫餉之完欠非盡關地方事也亦  
視其人之急公不急公耳如江西通負弊在藩  
司今該省布政陳龍光已經

皇上處分可以做天下之怠玩者矣如廣東於今歲

之秋金花全完且借解崇禎三年加派銀六萬  
兩那緩就急措置多方且乘便搭解以省郵驛  
之擾爲慮更周省直皆能如此何憂

國用不足該省布政陸問禮之勞績誠不可泯  
格優異特加顯擢使海內人臣知

皇上信賞之典與必罰併行無不奮勵以應則此舉  
所關匪小也又聞省直遵行預徵調劑得法者  
固多而借口

功令混徵厲民者亦有之如預徵十分之三專爲

每地一畝加派九釐之遼餉而設也乃州縣不加詳審併正項錢糧槩行預徵三分夫九邊匱乏臣豈不願蚤徵蚤解以救燃眉然民力有限竭澤難堪用一緩二乃爲可繼况乎京邊之開徵自蚤而解部自遲敲骨吸髓僅以供本地工食雜支等項之用可惜也催徵不按定期則小民不知年分而在官寅拽卯糧之弊易生可慮也在相沿見徵者止蚤徵數月在相沿壓徵者且蚤徵一年倘壓徵預徵併集一時誅求更慘

可矜也所應併行申飭者也伏乞

皇上嚴敕省直將見在逋欠未解銀兩作速完解以  
濟目前併將地賦加派九釐遼餉銀兩遵依舊  
例預徵十分之三查照臣部具覆餉臣六款疏  
內事理遵限解部接濟不得任意遲延亦不得  
將正項錢糧混入預徵致滋民害仍將廣東布  
政陸問禮特加優異超擢以示激勸庶三輔無  
饑卒九有無困民在外大小臣工無不努力以  
效急公之義矣臣不勝跼蹐待

命之至

崇禎二年十月二十日具

題本月二十三日奉

聖旨今年加派新餉尚欠九十餘萬地方官好生遊  
玩便行該撫按嚴催立解仍着督餉御史分別查  
叅來歲照例預徵依限督催完解亦不得混徵困  
民陸問禮着與優擢示勸該部知道欽此

本部預計三年分召買疏

題爲預計崇禎三年兵馬應用糧料實數懇祈

聖明勅部蚤爲措辦以齊春運事專理新餉山東清

吏司案呈崇禎二年九月十九日奉本部送戶

科抄出督理遼餉部院崔爾進題前事等因本

年九月十五日奉

聖旨這各鎮兵馬糧料旣照督師袁崇煥經制預計  
着依限派買催運價銀水脚布疋等項速給薊津  
餉司自行召買及春運漕糧酌截足數各與覆行

該部知道欽此又該督餉御史劾其忠題同前  
等因奉

聖旨已有旨了該部知道欽此欽遵抄出到部送司  
案呈到部該臣等看得遼左來歲應用糧料例  
今歲之冬派定志預也今歲津門督臣與督  
餉臺臣預計疏較往歲更蚤尤爲先事之著  
部應朝得旨夕具覆稍遲遲有待者以糧料增  
減事宜恪奉

欽依咨督師袁崇煥與臣部疏叅合商訂未有定額



未敢草草從事今督師具疏回奏撥揭臣部累  
于經制米八十萬二千九百四十五石四斗中  
減河東米二萬七千六百石止應實派本色米  
七十七萬五千三百四十五石四斗又於經制  
豆一百一十七萬五千八十三石二斗中減河  
東豆四萬七千九百二十三石又改折關內豆  
七萬八千三十二石一斗六升改折關外豆十  
萬九千七百五十六石八斗改折河東豆八萬  
二千九十七石四斗改折薊州豆八萬七千七

百六十八石止應實派本色豆七十六萬九千  
五百五石八斗四升第查津部督臣照督師  
于經制米外另派班軍米八萬石脩築攸賴應  
照數派運又有援兵行糧米八萬石案查天  
七年八月內臣部於奴兵屢挫一疏題留米  
萬石作行守二糧舊歲預計各內亦有另派  
糧之議臣部卽以七年題留米抵之未另派  
今行守糧未有開銷則題留米尚應見在  
與正盈寧爲有餘姑酌應其半派援兵

四萬石連舊留者應有十四萬之數或不至  
援兵之餒矣又預計崇禎二年糧料在未定經  
制之先止照督師移咨派運及照額扣筭二年  
實該剩米四萬四千七百五十四石六斗督師  
原咨有云俟支放有餘抵作崇禎三年之數今  
非支放截筭之時尚未敢扣減新派姑俟來年  
四月初一開支新糧之時聽督師查明剩米多  
寡知會臣部另項收貯以備關寧不時之需可  
也至于河東米豆數既不多應歸登萊買運以

省脚價不足者始以津運補之永薊二鎮  
既急調援供應甚煩姑免召買彰德衛輝二府  
灾稜見告姑免買米量派買豆淮安一府既遭  
水患買米數目亦與量減其各地方派買多寡  
止照津部督臣原派之數酌量遞減督臣疏稱  
與餉道再三商確于地之大小遠近米豆之豐歉  
貴賤俱已曲加調劑臣部亦不敢過爲低昂也  
至于預截凍糧臣已具疏請行天津督臣查漕  
舟之近津者儘力截留已不拘拘三十三萬

數俟事完再行銷算可也若夫河東兵士既  
與關寧一體給發皮襖則舊設之布疋宜省止  
應與關運一體給發蓆片而運官之廩餼花紅  
宜省第事難臆決尚須商求應聽天津督臣覆  
加裁酌以歸畫一謹將米豆價值數目并派買  
地方臚列上請伏乞

命下臣部行文各該衙門一體遵奉施行

計開預計崇禎三年關寧等鎮糧料諸款

一額派米據津部定九十六萬二千九百

四十五石四斗內除行糧米八萬石  
天啓七年八月奴兵屢挫一疏關內  
外備有米十萬石不必全派姑淮派  
萬又督師於河東鎮項下減米二萬七  
千六百石實該派米八十九萬五千三  
百四十五石四斗內

漕糧每十石帶運一石五斗共帶米四十  
五萬石定於浙江江西湖廣南直價用  
本省加派聽撫院酌定買運後銷算

截漕米照東江舊例十萬石

臨清倉餘米三萬石

德州倉餘米二萬九百石

以上三項俱不用價

附關買米二萬八千石每石一兩共銀二

萬八千兩

以上價銀於新餉庫撥發

登萊買米六萬八千七百五十四石

以上價銀動支加派買運後銷筭

兗州府買米一萬五千石

真定府買米二萬三千石

東昌府買米一萬五千石

保定府買米二萬石

河間府買米一萬八千四百二十石

順德府買米三千石

大名府買米二萬三千石

廣平府買米一萬一千石

以上八府照舊例留用雜項并坐



太倉銀兩買運後造冊報部銷筭

廬州府買米一萬五千石

鳳陽府買米一萬五千石

淮安府買米一萬九千二百七十一石四

斗

揚州府買米二萬石

以上四府用加派銀買運後造冊報

部銷筭

一額派豆據津部定一百一十七萬五千

八十三石二斗據督師議定河東減豆  
四萬七千九百二十三石又議改折豆  
三十五萬七千六百五十四石三斗六  
升實派買豆七十六萬九千五百五石  
八斗四升內

密雲道屬買豆二萬石每石連脚價五錢五  
分共銀一萬一千兩

以上價銀用密屬州縣雜項不足者

部發

兗州府買豆三萬六千石每石連腳價  
錢五分共銀一萬九千八百兩

東昌府買豆三萬六千石每石連腳價五  
錢五分共銀一萬九千八百兩

以上二處用坐定太倉銀不足者另

行撥補

徐州買豆二萬石每石連腳價五錢五分  
共銀一萬一千兩

以上用加派銀兩

真定府買豆七萬五千石每石連脚價五

錢五分共銀四萬一千二百五十兩

保定府買豆七萬三千石每石連脚價五

錢五分共銀四萬一百五十兩

大名府買豆五萬三千石每石連脚價五

錢五分共銀二萬九千一百五十兩

河間府買豆五萬三千石每石連脚價五

錢五分共銀二萬九千一百五十兩

順德府買豆四萬石每石連脚價五錢五

分共銀二萬二千兩

廣平府買豆四萬一千石每石連腳價五錢五分共銀二萬二千五百五十兩

朔州道屬買豆六萬石每石連腳價五錢五分共銀三萬三千兩

以上七處照舊例留用雜項并坐定太倉銀買運後造冊報部銷筭

彰德府買豆五千五百石每石買運價五錢五分共銀三千二十五兩

衛輝府買豆五千五百石每石買運價

錢五分共銀三千二十五兩

以上二處豆價動支本省雜項銀價  
運後造冊報部銷算

天津倉買豆十一萬一千五百五石八斗

四升每石價銀五錢五分共銀六萬一

千三百二十八兩二錢一分二釐

附關買豆十四萬石每石價銀五錢五分

共銀七萬七千兩

以上二處豆價於新庫劄發

一交卸米豆

關內該米二十三萬六千二百九十八石除

附關買米二萬八千石餘俱津運補  
足

該豆一十八萬二千七十五石四升除

附關豆十四萬石其餘四萬二千七

十五石四升津運補足關外米豆俱

津運薊州本色應行薊州餉司自買

第虜警正急不敢派買應聽津部  
附近地方撥運天津額豆五十九  
四石合聽天津照數留用

一折色豆價

關內折豆七萬八千三十二石一斗六升每  
石折價四錢二分該銀三萬二千七  
百七十三兩五錢七釐二毫

關外折豆十萬九千七百五十六石八斗每  
石折價四錢二分該銀四萬六千九



十七兩八錢五分六釐

河東鎮折豆八萬二千九十七石四升每石  
折銀四錢二分該銀三萬四千四百  
八十兩九錢八釐

薊鎮折豆八萬七千七百六十八石每石四  
錢二分該銀三萬六千八百六十二  
兩五錢六分

以上四項共銀一十五萬二百十  
四兩八錢三分一釐二毫

一米豆運價

登萊東充買米共九萬八千七百五十四石  
就便派運河東又東充買豆七萬二  
千石內撥五萬四千七百三十一石  
六斗發運河東餉司每石脚價銀一  
錢七分共該米豆脚價二萬六千九  
十二兩五錢五分二釐天津該運河  
東餉司補額米三萬八千七百五十  
四石每石脚價四錢一分共該銀一

萬五千八百八十九兩一錢四分又  
除天津留用豆料五千九百四石不  
用腳價外繇天津運關內外米豆共  
一百二十九萬八千七百七石六斗  
四升每石腳價二錢共銀二十五萬  
九千七百四十一兩五錢二分八釐  
等因

崇禎二年十一月初十日具

題本月二十六日奉

聖旨是欽此

題議關寧餉道疏

題爲夷氛中梗運餉無途亟應商酌利往之路護  
運之法以無悞封疆事專理新餉山東清吏司  
案呈奉本部送戶科抄出雲南道監察御史樊  
尚燦題爲虜警全憑塘報等事奉

聖旨重城最衝處更宜多備嚴防加意料理關外援  
兵錢糧接濟速行措處該衙門知道欽此欽遵到  
部送司案呈到部該臣等于初聞警報之日揣  
知關寧兵馬定赴調援已移文山海餉司通融

那奏又行永平府及經過州縣動支新餉坐

太倉銀及新餉襍項銀召買應用如尚不足不

論庫貯何項錢糧借支供用候事平銷筭又應

次發通州新餉召買銀二萬兩薊州召買銀陸

發舊餉一萬兩外再發新餉一萬兩又見差督

理召買司官黃中色帶新餉召買銀一萬兩分

派州縣設法措辦凡此皆爲關外援兵計也

應召買餉已悉前疏是在大小臣工仰遵

明旨協力圖維以濟急用此外尚有可慮者則關

外未調之兵也自逾酋犯遵道路梗塞州縣俱不應付臣部發關內餉二萬三千關外餉四萬五千甫至三河勢不能前仍運回通州雖屢奉明旨發兵護送而沿途一帶如三河之閉城不應玉田之舉國皆逃在在皆然誰爲應付車輛以傳送此銀者賊兵旣熾亂民復多誰敢冒昧馳驅以坐賚盜糧者臣又恐關寧月餉不繼變起脫巾再四商確幸關內外委官黃文秀李天禎等廩稱沿海另有一路尚與夷遠且各有壯勇家

丁二十名可以護解毅然願往臣于是願募  
騾設法馱載關內外各發銀二萬其隨行家正  
亦爲之顧脚力給口糧以贍其行復移文兵部  
討兵護送訖照日計程此時已可到寶坻臣謂  
此路一通尚堪接濟卽費脚價所不敢辭近聞  
賊勢猖獗卽此路亦不能行矣大羊盤據解散  
無期關內外餉運斷絕其何以支平居尚以呼  
庚致譟而望其忍餓於有事之時萬無是理餓  
而譟已不忍言饑而解散肆掠甚或西向投夷



其禍更有不忍言者臣部職司錢穀止能催解  
催發極力措置并無一役一官堪備馭使束手  
攢眉有餉而不能運臣部其將柰何伏乞

勅下督師速行酌議關寧月餉應從何路運發或委  
一得力將領統率精兵數百專官押運務使餉  
運常通關寧無恙猶不幸中之至幸也至于調  
撥各兵既駐在薊則餉亦應支于薊并須督師  
將應支餉數知會臣部以便運發庶調撥之餉  
既分而關寧之餉少減減一分可減一分發運

之若耳此中關係不小謹瀝血上

請臣不勝悚息待

命之至崇禎二年十一月十六日具

題本月十八日奉

聖旨關寧餉道着督師酌議援兵餉數并知會行欽  
此

覆津撫報運薊料草疏

題爲恭報料草起行日期并酌議續運事宜事專  
理新餉山東清吏司察呈崇禎二年十二月十  
七日奉本部送戶科抄出天津部院崔爾進題  
前事等因本年十二月十五日奉

聖旨戶部知道欽此欽遵抄出到部送司察呈到部  
該臣等看得天津部臣奉

旨發運存積料草接濟薊門此虜酋未越薊以前事  
也今虜且長驅抵方而援兵之在薊者有限酌

其緩急多寡以資飽騰在津部與薊門撫道權  
宜裒益無致悞事可耳至所請預計買豆銀兩  
查得預計三年分原派津門買豆一十一萬一  
千五百五石八斗四升每石價銀五錢五分共  
計價銀六萬二千三百二十八兩二錢舊例於  
內部給發今值夷氛中梗且內庫告匱真無如  
允支爲便聞長蘆鹽運司鮮有鹽課銀四萬兩  
爲賊虜所阻暫寄津門合無准令津部允留卹  
抵前項原派津門買豆之數聽其辦買豆草支

運銷筭此後援兵四出若途與津近者尚或仰  
給津門備之于蚤庶可恃以無恐此外尚少預  
計豆價二萬一千三百一十餘兩容虜警少息  
臣部當另為措給以佐急需既經具題前來相  
應覆

請恭候

命下臣部移文津部并薊門撫道各衙門遵奉施行  
崇禎二年十二月二十三日具

題本月二十七日奉

鹿野林護

卷之七

聖旨俱依議行欽此

四十一